

13. He patai na Hori Korohina :

“ Kei te pehea te ahua o te moni i kohia i te Hui i tu ki Waiomatatani i whakaritea nei hei whānāi minita ? ”

I utua e te Atirikona :

“ Ko te kōhi i taua Hui ki Waiomatatani i kiia £1037/15/6. Kahore aku paunga ki taua moni. Eņari i pau pea te nuiņa o taua moni ki ņa raruraru o te Hui. Heoi ano te mea i tukua ki te Atirikona e £318/1/5. Kei ņa kaipupuri tera ki Nepia. ”

14. Na Paratene Ngata raua ko Wiremu R. Kerehi :

“ Kia whakapumautia e te Tumuaki me tenei Hui ņa moni awhina i ņa oraņa minita o ņa pariha o Waiapu. ”

*Whakaaetia ana.*

15. Na Rev. R. T. Kohere raua ko Atirikona Wiremu :

“ He whakaaro tenei no tenei Hui ko ņa moni aroha katoa ki te Hahi Maori a te pakeha ma ņa Pihopa e whakaaro te tukuhēņa. ”

*Whakaaetia ana.*

16. Na Hori Korohina raua ko Rev. Nikora Tautau :

“ Kia panuitia te kaute o ņa moni katoa e kōhia ana hei whānāi minita mai o mua a tae mai ki naiane i hei maramatāņa hoki ki te iwi. ”

*Whakaaetia ana.*

17. He patai na Horomona te Hui :

“ Kei te pevheatia ņa oraņa o ņa minita o Tuparoa, o te Horo, kaore nei aua pariha e pouaru ana ? ”

I utua e te Atirikona :

“ Ko te hua o aua oraņa i hoatu ki te minita nana te mahi ki aua pariha pouaru. ”